

**P360/3**


**LUGANDA**

(Engero enjiiye, Puloozi,  
Ebitontome n'emizannyo)

Olupapula olw'okusatu

**July/Aug. 2022**

**3 hours**



# **AITEL JOINT MOCK EXAMINATIONS**

**Uganda Advanced Certificate of Education**

**LUGANDA**

(ENGERO ENJIIYE, PULOOZI, EBITONTOME N'EMIZANNYO)

**Olupapula olw'okusatu**

Essaawa Ssatu (3)

## **EBIGOBERERWA**

*Olupappula luno lugabanyiziddwamu ebitundu **bisatu A,B,C.***

*Ddamu ebibuuzo **bina,** wamu*

*Mu kitundu **A,** kolamu ekibuuzo **kimu.***

*Mu kitundu **B,** ddamu ebibuuzo **bibiri** nga **ekimu** kya **puloozi** n'ekirala **kimu** okuva mu **bitontome.***

*Mu kitundu **C,** kolamu ekibuuzo **kimu***

## EKITUNDU A

### ENGERO ENJIYE

*Kola ekibuuzo **kimu** kyokka mu kitundu kino.*

#### **S.K BANTUBALAMU: GW'OLULAMBUZA;**

1. “Wadde ng’okusobya kya buntu, naye abantu betulaba mu lugero luno ensobi zaabwe ziba *ηη*enderere era tebasaana kusonyiyibwa be bazikolako. Nnyonnyola obutuufu bwe ndowooza eyo. (obubonero 25)
  
2. “Wadde akalya amaggwa ke kamanya bwe kagakyusa! Naye kyampitirirako era ne nnoonya engeri gye mbiwuwuttanya nga bizibu nnyo. Nalowooza okuddayo era nneeroope mu bakulu ne nkitya. Ne ndowooza ka nnyabo okukatwala nkapangisize akazigo mu kibuga, nakyo nenkitya.....”
  - (a) Ebigambo ebyo biggyiddwa wa mu lugero “Gw’olulambuza” era ani abyogera? (obubonero 2)
  - (b) Kiki omwogezi kyayogerako ekyamuyitirirako? (obubonero 6)
  - (c) Laga engeri omwogezi gyeyawuwuttanya byayogerako mu ssuula eyo.(obubonero 8)
  - (d) Ggwe ng’omusomi w’olugero luno nokolayo ebintu ebyenjawulo ebikolebwa abantu abenjawulo naawe nebikuyitirirako. (obubonero 9)

## **NKATA MUSA: AGAMYUKA OMUTEZI**

3. Olugero “Agamyuka omutezi” we luggweera nga kyeyoleka lwatu nga Abdu Tabula bwali omuwanguzi.
- (a) Nnyonnyola ku buwanguzi obwenjawulo bwatuukako mu lugero lwonna. (obubonero 15)
- (b) Nnyonnyola ebintu ebyenjawulo ebyesigamizibwako obuwanguzi bwa Tabula mu lugero luno. (obubonero 10)
4. “Ebibuuzo bino byonna byanzijiranga buli lunaku ate nendwawo n’okumanya nti akapapula ako ke kaali ensibuko y’okunjigganya ate oluvannyuma essanyu n’ettutumu.....”
- (a) Ebigambo ebyo bisimbuddwa mu ssuula ki ey’olugero? (obubonero 2)
- (b) Laga bulungi engeri akapapula ako gyekafuukamu ensibuko y’okuyigganyizibwa, essanyu ne ttutumu eri omwogezi w’ebigambo ebyo. (obubonero 12)
- (c) Essuula omuggyiddwa ebigambo ebyo, erina bubaka ki eri abasomi b’olugero? (obubonero 10)

## EKITUNDU B

### PULOOZI

*Kola ekibuuzo nnamba 5 n'ekirala kimu okuva mu bitontome.*

5. Soma ekitundu kino wammanga n'oluvannyuma oddemu ebibuuzo ebikikwatako.

Enju za gooloofa ezo ze mulaba muyitengako mpite naye muleme kuzeegomba. Nsinzidde ku maka ga mukulu Lumu, eyeddira endiga ate era omutuuzwe we Kalangala eky'eyo mu ssaza lye Mawokota. Omuzira ndiga Lumu musajja wa kitiibwa era tayisikamu maaso. Ye ssentebe w'ekyalo kino Kalagala.

Eyo mu gy'enkaaga Lumu yawasa ekijujulu. Omuwala, ebbuukamaziba gwe yalonda mu bangi si mulala wabula Maaso omulungi kaalaala newankubade nga kati agenze afuma anti obukulu buwoomya ttooke. Abaamulabako ng'atiba bagamba nti yali mata!!. Wabula omulungi nga bwatabulako kamogo ne Maaso bwatyo. Simanyi Maaso kye yeddira osanga nandimulopye ewa jjajjaawe ow'akasolya n'abaako ky'amugamba. Naye simumanyi! Mpulira kumuyita Maaso!

Maaso ono yamala emyaka etaano be ddu mu ddyo nga tazadde mwana. Teyasinduukirirwa mmeeme yadde olunaku olumu luti. Mukazi wattu mu bbanga eryo ery'emyaka etaano gye yamala nga tannazaala mwana, yalinga ali mu kkomera. Abooluganda lwa bba Lumu baavuma oyo ne bakatagga kaabula kata alemwe eddyo.

Maaso yawulira afa kwe kunyumiza ku mukwano gwe enfiirabulago ayitibwa Nakamatte ekizibu kye. Yamubuulira ng'omwami we Lumu bwe yalina ekizibu. Yamugamba nti wadde nga mwami we Lumu yeddira ndiga era tagirya tagikombako, endiga bambi yo teyamusonyiwa. Mbu endiga eyo gye yeddira ate ye yamutomera. Yalaba Nakamatte tabitegeera kwe kugonzaamu nti yalina ekizibu era olw'ekizibu ekyo yali tasobola kuzaala! Maaso era yagattako nti ekyewuunyisa Lumu yali takkiriza nti alina ekizibu ekyo ate nga ye alowooza nti mukazi we Maaso y'aliko ekikyamu. Wano Nakamatte we yamuweera amagezi agamuwonya obugumba nnyabula!

Yamugamba nti oba Lumu yali takkiriza nti alina ekizibu, ye Maaso yeesalire amagezi azaale ebweru. Yamugamba nti, "zaala ebweru ng'abaana bw'omuleetera ye

atuume amanya”. Ne Maaso bwe yakola. Ng’atandika mulimu gwa kuzaala mu basajja balala baana. Yali mugezi anti olwafunanga olubuto ng’oyo omusajja taddamu kumwesembereza. Aludde wo nno?, atandise okuzaala! Essanyu Lumu lye yalina lyakirako ery’omwoki wa gonja. Okumanya yasanyuka abaana bonna Maaso be yazaala ebweru yabakkiriza nti babe era n’abatuuma amannya ag’abendiga. Maaso yasookera ku muwala gwe baawa erya Nabbosa, oyo nno yamuzaala mu Kasigazi. Omulenzi yamuzaala mu Isabirye, omulala yamuzaala mu Ssali. Naye gwe yazaala mu Barook Omuzaire kaabula kata amukwatise anti yayeruka naayitiriza!. Ekyewuunyisa n’okutuusa kati Maaso afumba era atta ddya era ye n’omwami we basanyufu ebyekitalo. Kati wano wembuuliza ggwe omwami asomye bino nti, “abaana bonna b’oyita ababo okakasa babo”?

*Ebibuuzo*

- (a) Nnyonnyola ebika by’olulimi olweyambisiddwa mu kitundu kino. (obubonero 7)
- (b) Ekitundu ekyo bwokisomye kikutadde mu mbeera ki? (obubonero 4)
- (c) Emboozi eyo gyosomye ekubikkulira ki ku munyumya waayo. Nnyonnyola bulungi n’obujulizi. (obubonero 6)
- (d) Nokolayo abantu basatu okuva mu kitundu ekyo olage ensobi zaabwe na lwaki oziyita ensobi. (obubonero 6)
- (e) Ekitundu ekyo kiwe omutwe ogukitukirako. (obubonero 2)

## EBITONTOME

*Ddamu ekibuuzo **kimu** kyokka ng'okiggya mu nnamba 6,7,8 oba 9.*

## KIZZA MUKASA J: OMULYAMMERE KKOYI

6. Ekitintome kino wammanga kosome okyetegereze n'oluvannyuma oddemu ebibuuzo ku kyo.

### OMUBBEERE

Omwana wa nnyabo omubbere gwe,  
Ggwe toli wa ssebo oyo lwa bubbere,  
Ggwe omubbeere, *ηη*amba omubbeere,  
Laba laba laba bino, ggwe omubbeere.

Twakula bumu ffe abaana ba nnyabo,  
Nga tewali atondowala tuli bukuyege,  
Bwe nayitamukko nze waneeyunira,  
Nakujunanga mu bingi bye siiyogere,  
Nga tuli bumu ffenna baana ba nnyabo.

Kye nnalaba luno jjuuzi saakisuubira,  
Kyali kya nsonyi nnyingi sikutendera,  
Wayagala okusiimibwa n'okukijjanya,  
Wayagala kuganzibwa n'otusombera,  
Ng'olya mu lusuku lulime luno luzise!

Weetemaatema bingi ku booluganda,  
Nti ogamba gundi nno taabe mukopi?  
Ankola biibino baaba ne neewunika,  
Olulala yaansoya bino ne nnemagaza,  
Saamanyi nti ffena tutyo oli na mpiri!

Naye mubbeere nze, bino ka mbyase;  
Nnakupiika ensimbi, lwa bbeere eryo,  
Wafuukamu omuntu, lwa bbeere eryo,  
Wakolanga ogwejo, lwa bbeere eryo,  
Nakubiita nnyo nze, kuyonka ku limu.  
Bye nakukoleranga, wansasula bulwa?  
Gwe omubbeere!

Kyankola bubi ebbeere okutugendako!  
Nandigenze ewa nnyabo n'obituulamu,  
N'akugolola ettumba ly'Abalyammere,  
Naye yatugendako nnyabo nze nsula bubi,  
Ka nfube nkole ebingi nga wezza ebimu!

***Ebibuuzo***

- (a) Ekitontome ekyo kisengekeddwa kitya? (obubonero 7)
- (b) Okusenziira ku kitontome ekyo, omubbeere yani? (obubonero 2)
- (c) Omuwandiisi afudde atya ekitontome kino okubeera ekinyuvu? (obubonero 6)
- (d) Amaloboozi gatuzimbiddwa gaty mu kitontome? (obubonero 6)
- (e) Nnyonnyola ku mbeera omutontomi gyatontomeramu ng'owa n'obujulizi (obubonero 4)
7. “Omuwandiisi wa litulica omulungi y'oyo awandiika ng'ebyobuwangwa bye nsi ye abiteeka ku mwanjo nnyo. Kino Kizza Mukasa akikoze atya mu bitontome bye mu Katabo “Omulyammere kkoyi”? (obubonero 25)

**H. BARLOW SSEMATIMBA: ABOOLUGANDA ABENDA EMU.**

8. Soma ekitontome kino n'oluvannyuma oddemu ebibuuzo ku nkomerero yaako.

**ETTAKA LINO ERINDYA**

Bwe nkeera enkya mu maliiri  
Ne mpulira amaanyi ag'obuzaale  
Ne ndyoka nsituka ne nenyweza ne ndaliira  
Omukono gwange omugumu nga gwegolodde  
Ne zintwala buteesagga ku nsiko eyakula  
Amaaso ne ngasimba eri ettaka omulabe.

Ettaka eryo nkerettanyi lya lugezi!  
Lya tta omukago ne liganza ebisaka n'ebisubi  
Ne lyekweka wansi w'omuddo  
Ne lyemululamu nsiko enjeemu  
Ne lyesogga wansi w'ebikolo  
Ne liyungula amafumu ag'amatutu  
Ne likolawo emitego n'ebikonge  
Okumenya omukono gwange ogw'omuyini  
N'okuntega amayinja aga wansi nfune amalibu!

Munziruke mmwe ebisagazi ebiwanvu n'ebimpi kambateme!  
Ndayidde nnyabo Najja nze kidima sirimba munaakiraba!  
Mbakyawa mmwe olumbugu n'olunseke  
Mukweka mutya essajja ery'effitina!  
Mutta mutya omukago n'ettaka omulabe!

Olusenke lwonna olunninaanye  
Nze nja kulubuza olwanyo  
Olaba enkyakya y'ebigere  
Y'erugoya n'amenvu  
Ne lufuuka ekikamulo ekidibye  
Entebe y'obubu obutobye!  
Ekisagazi ekyakula ekkolo sikitya  
Nze nja kukikaza emimuli  
Bakifumbye kiggweewo!

Ago amatovu n'amatutu  
Aga'tabaala n'amafumu  
Amaanyi gagawedde  
Ka nje ngaganzike awazibu!  
Ebyo ebisaka n'ensiko ekutte tebiriimu  
Mazima okuwera omukaaga  
Byonna mba mbisulise ennenge!

Ennanda ne ssere bisaana kufa  
Nja kubiwala olw'enkya  
Babisuule ku nkoomi  
Okubimala akacca!  
Ne guno omuddo gw'olusuku  
Ogwegwanyiza awalime  
Bwe ngulabako ngusse!

Bwe ndayira nnyabo Najja  
Ndaaza ne ttaka erikaze!  
Bwe nditemako empangi  
Ne ndiyuzaayuza obulere  
Ndireka lisansagala  
Nga likolola nfuufu  
N'amafunfugu agalame



Ngaleka ga woowolya!

Ndi nkumbi kidima siremwa!  
Nkumbira ku ttaka eriwoze  
Wonna we mpita olabawo  
Lwe lubimbi lw'owulira  
Ntema mpala nziika, ate ne ntaliza  
nsaawa nsala nsogga ate ne mpalula  
Nsima nsiga nkoola, ate ne nkabala!  
Mazima omuddo ne nsiko sibitya  
Wazira ettaka lino erindya  
Nze eyali enkumbi ne mpitwa akasimu!

***Ebibuuzo***

- (a) Ekitontome kino kirina sitanza mmeka? (akabonero 1)
  - (b) Ani ayogera mu kitontome kino? (obubonero 3)
  - (c) Omwogezi mu kitontome kino si muntu, naye omuwandiisi amutulaze ng'omuntu.  
kino omuwandiisi akikoze atya? (obubonero 8)
  - (d) Nnyonnyola ku bunyuvu bwe kitontome ekyo. (obubonero 8)
  - (e) Nnyonnyola ebintu ebyenjawulo okuva mu kitontome kweweesigamye okutegeera  
omutontomi. (obubonero 5)
9. "Obutonde n'obuwangwa ssematimba abitadde nnyo ku mwanjo. Kino kyeyoleka  
kitya mu bitontome bye ebyenjawulo. (obubonero 25)

**EKITUNDU C**

**EMIZANNYO**

*Ddamu ekibuuzo kimu okuva mu nnamba 10,11,12 oba 13.*

**W. MAGOBA: NAMULANDA**

10. Nnyonnyola katemba eyeeyolekedde mu muzannyo Namulanda n'obubaka obuli mu  
katemba oyo. (obubonero 25)

11. “.....”; Genda eri obuganda obubuuze kyemba nkolera abasibe bano absigaddewo nga busookera ku kangaawo eyatuula musajja munne mu kifuba ate ngabadde adeddereza namulondo yange.

(a) Ani ayogera ebigambo ebyo era yali abigamba ani? (obubonero 3)

(b) Nnyonnyola engeri kangaawo gyadedderezaamu Namulondo yomwogezi.  
(obubonero 6)

(c) Ng’oggyeko ebikolwa ebyo ebiragibwa mu mboozi eyo, nnyonnyola ebintu Eby’enjawulo ebikontana n’obuwangwa ebyeyolekera mu muzannyo.(obubonero 16)

**MERCY MIREMBE NTAGAARE: SSEMITEGO OMUYIZZI KKUNGWA**

12. “Omuzannyo guno gukkirizikika bulungi nnyo abalabi bagwo ab’omulembe guno Omutebi”. Kubanganya ebirowoozo.

(obubonero 25)

13. Ba Ssemaka ne ba Nnamaka abateredde entende, ssomo ki ssemasomo lye baggya mu kulaba omuzannyo “Semitego omuyizi kkungwa”?

(obubonero 25)

**BIKOMYE**

